

FEB 5 1933



第六路抗日實錄

遼寧民衆自衛軍

第一集



版出日十二月二十年一十二國民華中

遼寧民衆自衛軍第六路抗日實錄 第一集目次

民國二十一年十二月二十日出版

一，引 言

二，東遼民衆抗日之動機

三，李司令新賓倡義之端緒

四，第六路軍組織沿革及擴充時期

五，第六路軍之抗日戰略

六，第六路軍餉精來源

七，十月間新賓戰後之實力概況

八，佔領新賓後之政治工作

九，八月來第六路軍在地方之施設

十，第六路軍之光榮戰蹟

目 錄

附 錄

李司令春潤事略

李司令春潤黃海脫險記

李司令春潤之函電



遼寧第一旅旅長劉克儉



遼寧民衆自衛軍第六旅旅長孫耀祖

遼寧民衆自衛軍第六路抗日實錄

一，引言

大計未定，國難日亟，倭寇頑強，方興未艾。以三千萬勤勞勇敢之民衆，日呻吟於帝國主義者鐵蹄之下；已至社會崩潰，經濟破產，瘡痍滿目，繪圖堪驚。東邊第六路自衛軍痛關國恨，難忘家仇，寧作戰死之鬼，不爲苟活之奴，蠶起影從，協力奮鬥。舉義以還，縱未能蕩淨妖氛，金甌重奠，出斯民於水火，定中興之殊勛。然孤軍一隅，三面環敵，卒能以少擊衆，以弱制強，甲仆乙起，百折不撓。雖交通梗阻，接濟無自，械彈不足，給養缺乏。而迭摧敵鋒，屢克要地，號召民衆達二萬，與敵對抗八閱月，其強毅不屈，踔厲無前之精神；致使暴日十萬甲兵，疲於奔命，月支軍費，動千萬元，開發東邊，不得實行，舊有事業，復多停頓，經濟之恐慌，日趨嚴重，財政之制度，難期實行，農村凋敝，人心絕望。其爲國家爭獨立，爲民族爭生存者，爲何如。



倘全國早能戮力同心，一致對外，出勁旅挑戰於前，使義軍牽掣於後，破壞鐵路，搗毀賊巢，還我河山，誠意中事。乃政潮起伏，閭牆有爭，長期抵抗，未開動員。曾幾何時，日滿協定已成，自衛軍之危機立至；而增兵北滿，肅清東邊之消息，漸由日方透出矣。

嗚呼，東北乃中國整個之領土，尤爲華北之門戶，東北淪陷，屏障斯撤，唇亡齒寒，休戚相關。日寇得隴望蜀，無滿意時，田中內閣有言「欲征服世界，必先征服支那，欲征服支那，必先征服滿蒙。」時至今日，滿蒙既已入其掌握，內地豈能獨全。故東北事件，即全國存亡之關鍵；欲中國不爲安南朝鮮之續，即不能不亟謀東北之收復，收復東北，亦即爲全國民衆之責任，豈可如秦人之視越人。自衛軍基於民族自決精神而奮鬥；國人對於自衛軍宜如何培植其根本，供給其需要，發展其特長，實爲當務之急。然欲達到此目的，則對自衛軍不可無確切之認識與研究。編者烟塵親歷，目擊事實；爰就追憶所及，並按各方記載，彙纂成帙，聊供研究自衛軍者參考之資料。深望國人，宜懷噬臍之悔，共爲奮臂之呼；庶乃人心思漢，國不致

亡，民氣旺盛，光復可期。

一一，東邊民衆抗日之動機

暴日垂涎東北，已數十載，曩以列強環顧，志未得逞。近年鑒於我國南北之日趨合作，東北當局之勵精圖治，與民衆反日之積極，漸知中國內亂，莫能助長，賢明長官，不爲利用，三千萬民衆，亦難愚惑。深恐滿蒙政策，無由進展，軍國主義，發生障礙。於是乘美國海軍於一九三六年以前尙無把握，蘇聯五年計劃完成之先，不暇東來之際，以國防之說，煽其人民，不惜違背公約，破壞和平，甘冒世界之大不韙。悍然以寇盜行爲，於去歲九月十八日竊襲瀋陽，連陷營口，鳳城，長春，海龍，清原等縣。於二十一日佔領吉林，十一月十八日進據黑龍江。我政府據理交涉，不獲要領，國聯制裁，毫無效力。彼乃得寸進尺，兇焰日熾。二十一年一月二日更取錦州，二月五日再擡哈埠。六月之間，強奪我三省要地，大好河山，相繼淪陷。

舉凡暴日鐵蹄所經，我戰地同胞生命任其宰割，以彼之喜怒決存亡；搶決洶胸

，嚴刑不一，汗辱婦女，慘不忍言，公私財產，被其劫掠，查封官吏公館，沒收銀行儲金，損失之重，非可數計。

對於政治，則於九月二十五日任熙洽爲吉林行政長官，以供其驅使。十月五日，威脅遼寧地方維持會，執行遼寧全省行政，使與國民政府斷絕關係。十一月十日成立自治指導部。十二月十五日強迫臧式毅爲奉天省長，令脫離中央。今年一月一日任漢奸張景惠爲黑龍江省政府主席。三月九日締造滿洲僞國，擁溥儀爲執政，奉爲傀儡。胸井德三爲總務長，主持用人行政。省縣公署以及各機關，均設日人顧問，東北政權，轉於日人掌握。新賓縣亦被強迫高懸滿洲國旗，官私文書改用大同年號。

對於軍事；則於原有駐滿師團及守備隊總計二萬餘人，更加多門第二師團，第八，第十，第十四師團，與第九師團之池田混成旅，滿鐵守備隊特種部隊，共有五師團以上之兵力。滿洲僞國軍警亦歸關東軍訓練指揮與調遣，東北軍權操於日人之手。

對於教育，則盡力消滅民族意志，殘殺知識份子，刪改小學課本，取締黨義，

添授經學，將愛國教材，悉換帝國德政材料，迷惘兒童心靈，閉塞國民智慧，手段之辣，世無其儔。

尤有要者，則爲久懸案之中日雜居問題，急謀解決，昭和七年十二月二十九日滿鐵總裁內田康哉曾在東京發表談話謂「將來滿蒙移民政策決由內地移二三百萬農民……」拓務省亦派員視查東北，確定移民方針。除向東北移殖日人外，並將韓人移懇東北，設立鮮人村落，並設警察以爲保障，截至今年四月以前，東邊土地被韓人霸佔者甚多。設移民計劃成功，我東北同胞必至無地可以立椎。東邊民衆，又焉能例外。

又一爲連年交涉之鐵道問題，既吞我已成鐵路如吉海，瀋海，及北寧路之關外段，尙不足以壓其食。復使吉長吉海接軌與滿鐵聯運，合併吉敦，吉長，修築吉會，長大，聯接呼海，齊克，並擬修拉哈路，其用意於軍運者，昭然若揭。

凡此種種，暴日對東北民衆所已加之桎梏，完全欲用亡韓故技，以遂其吞噬野心。東邊民衆，身罹慘劫，莫不拳拳擦掌，思欲一拚，以與此士同殉，故留日學生

張天行及退伍軍官孫銘武等，去冬起義於清原，鍾子忱劉克儉等抗日於本溪。識者固早知暴日之壓迫力愈大，民衆之反抗力亦愈大。

三、李司令新賓倡義之端緒

東北淪陷後，凡屬國人莫不欲以武力收復失地。其時李司令春潤正在東邊鎮守使署，充任參謀處長，極受于鎮守使芷山之知遇。李爲人智勇兼備，幹練沉着，且富於愛國思想，以爲東邊天險可據，尙可自衛，因以收容東北陸軍第七旅，及講武堂師生，收繳民槍，編練民團竟見，上于鎮守使，于願慮太深，未經採納。乃自請出爲步兵第三營營長，於十二月間駐防新賓。蒞新後，聯絡愛國同志王彤軒孟昭春及本溪劉克儉鍾子忱等，計劃編練民團，未幾，桓仁唐團長聚五亦秘密與李取聯絡，相約擴充軍隊，枕戈待時，靜俟東北軍出動，深伏敵背，以爲策應。不旋踵間，黑省告急，馬將軍抗日於龍沙。哈埠吃緊，李丁諸旅奮鬥於吉境。上海事變，血染淞滬，抗日運動，風起雲湧。當此之時，諸同志咸躍躍欲試，以爲倭奴已疲於奔命，機不可失。然以實力不充，未敢妄動。迨至三月九日僞國肇造，賊勢益爲猖狂。民

衆至此，愈懼亡國滅種之禍，迫於眉睫，多從事於反日運動。三月二十一日唐團長偕黃宇宙等三十餘人組織遼寧救國分會於桓仁，推唐爲軍事委員長，並由委員會舉唐爲遼寧民衆自衛軍總司令，嗣又委新賓李營長爲救國分會委員，並委爲自衛軍第六路司令。四月下旬，國聯調查團將由北平蒞瀋，唐總司令於二十一日在桓仁縣城警師，高揭青天白日旗。旋爲瀋陽日本當局偵知，先責成奉天警備司令于芷山謀鎮懾，于任命李司令爲東邊保安司令部步兵第一團團長，李不爲所動，於二十九日通電易幟，在縣街職業中學校院內誓師，參加民衆萬餘人，士氣振奮，盛極一時。此爲第六路軍舉義伊始之大概情形也。

四，第六路軍組織沿革及擴充時期

第六路軍舉義之初，僅以遼寧陸軍第三營（因欠一連早爲于鎮守使調去守衛）三百餘人爲基本軍隊。後經陸續收編之新賓公安隊，縣政府衛隊，地方自衛團，王彤軒，劉克儉，孟昭春等部，及韓僑獨立黨，組成第六路。全路編爲步兵第一（旅長劉克儉）二（旅長文育昌）兩旅，騎兵一團，（團長華振江）步兵衛隊一營。外有武衛

隊(司令王彤軒)游擊隊，特務隊，通信隊，宣傳隊，砲兵連。各部隊係採三三制，以旅爲單位；每旅爲三團，每團爲三營，以次類推。一路所轄各旅數目，可酌量情形，由三至八爲限。


司令部則於司令之下設參謀長一員(參謀長李祥凱)，參謀長之下，設參謀(處長張翼飛旋委張文煥)，副官(處長徐廣德旋委劉質方)，軍械(處長周保陞旋委康延熙)，軍需(處長楊慶賢旋委呂鵬霄)，軍醫(處長趙□□)，軍法(處長何鵬順)，秘書(處長關毅)，七處。軍需處附設兵站處(主任孫懋賢)。軍醫處附設野戰病院及擔架隊。

八月中旬，李司令奉委爲駐新賓副司令，於第六路司令部之上，組織副司令部，設參謀長一員(參謀長康樂三)，分設參謀(處長由李祥凱兼)，副官(處長郭股啓)，軍械(處長由康延熙兼)軍需(處長劉雪三)醫務(處長于德風)，軍法(處長由何鵬順兼)，秘書(處長由關毅兼)，外交(處長程□□)八處。

八月下旬，李司令復奉委兼任戰時第一方面軍總指揮職，於副司令部附設總指

揮部，設參謀長一員（參謀長姜造平）更分設，八處與副司令部同。任命李祥凱兼參謀處長，徐庶德爲副官處長，康延熙兼軍械處長，劉雪三兼軍需處長，于德風兼醫務處長，郭文龍爲軍法處長，關德裕爲秘書處長，程口口兼外交處長。又添編步兵第三（旅長佟冬葛）四（旅長李振山）五（旅長鍾子忱）六（旅長孫耀祖）七（旅長周保陞）五個旅及步兵衛隊第一，二兩個團，而第四（司令李春光）十（司令李先翹）十一（司令梁希夫）三十七（司令文育昌）四個路亦歸李司令指揮。茲單就第六路及旅司令部之編制表列於左，其他各部隊從略。

第六路各部隊系統表



五、第六路軍之抗日戰畧

東邊自衛軍本爲民衆集團，既無相當訓練，益以械少彈缺，論地勢武器，均非暴日比，於國軍出動前，最不適於對敵人具有新式鋒銳武器之大部隊正式作戰。第六路軍對日所採戰畧有以下數端：

(一)游擊戰與避實攻虛 隨時隨地以小部隊對敵挑戰，努力擴大戰區，延長戰期，使倭奴疲於奔命，首尾不相顧，並避免與敵大部隊作戰，專向兵力單薄處出其不意，攻其不備。

(二)破壞通商與經濟封鎖 以少數部隊，破壞敵人通商孔道，折毀其鐵路，阻止其商旅，使仇貨不能在東邊各地暢銷。並謀擾亂敵人商場，使當地商民對日斷絕交易與商賈，皆足與敵國人民以生活上之威脅，經久便可減少敵人之戰鬥力，使不得不屈服。

(三)破壞敵人重要建築物及經濟組織所在地 攻城奪地，與陷陣衝鋒，犧牲既鉅，效果亦小，遴派少數勇敢份子，潛入敵境，專破壞其重要建築物如：發電所，

飛機廠，車站，及經濟組織所在地如：倉庫，糧秣廠，銀行等所在地，殊收事半功倍之效。

(四)化整爲零與聚零爲整 目標太大，空惹敵人特別注意，將所有兵力，分爲數百人或數十人爲一隊，潛伏各地，到處游擊，以牽掣敵之兵力，使敵窮於應付，即或戰而不勝，亦易潛伏，如過敵人壓迫力過大，或某一小隊被包圍時，亦可調動就近各小隊，形成整個力量，對敵攻擊。

(五)利用夜戰 敵人知我對於空防毫無準備，慣用飛機擲彈，雖無大效力，而擾亂軍心則有餘。故夜間作戰，實勝於白晝。

六、第六路軍餉糈來源

舉義伊始，軍中餉糈無着，先接收駐新賓東三省官銀分號存款十萬元，由軍需處編造預算書，按月發餉，支持至國歷七月；嗣後則由通化總司令部領到遼寧救國分會發行之軍用債券十萬元，並領到東北民衆抗日救國會發給之採購子彈費一萬元以資維持。至軍中糧秣向由司令部備價購買，不敢撻民。

七、十月間新賓戰後之實力概況

新賓規復後，李司令以三百餘人擴充至二萬衆，實有馬兩千餘匹，槍萬五千餘支，子彈二十萬粒，以砲及砲彈爲最少，餘皆持大刀扎槍以抗敵。雖由總司令部先後發給彈藥，地雷，手榴彈防空器，然爲數過少。而第六路軍在新賓創辦之兵器廠，又因購料困難，出品有限，供不應求，自經新賓決鬥後，損失過半，數月經營，殊爲可惜。故現存之實力較之三月以前，奚啻霄壤。茲將十月十日以前及現有之實力，表列於左。

遼寧民衆自衛軍第六路原有實力暨駐紮地點一覽表		十月十日以前								駐紮地點			
隊號	區分	人	數	馬	匹	槍	支	砲	子	彈	砲	彈	
第一旅		三〇〇〇		二〇〇		二六〇〇		三	五〇〇〇〇		一五〇		本溪
第二旅		二〇〇〇		一五〇		一八〇〇		二	四〇〇〇〇		一〇〇		新賓 撫順
第三旅		二五〇〇		一六〇		二二〇〇			四〇〇〇〇				撫順

隊 號	區 分	遼寧民衆自衛軍第六路現有實力暨駐紮地點一覽表						十月十日 至現在	駐 紮 地 點
		人	類	馬 匹	槍	支	砲		

附 記	總計	武術隊及 其他部隊	第七旅	第六旅	第五旅	第四旅
	一九六〇〇	四〇〇〇	二六〇〇	二〇〇〇	一五〇〇	二〇〇〇
	二六二〇	一五〇〇	一〇〇〇	一七〇〇	二〇〇〇	一四〇〇
	一五八〇〇	二〇〇〇	二四〇〇	一八〇〇	一三〇〇	一六〇〇
	八	三				
	二五〇〇〇	二〇〇〇〇	四〇〇〇〇	二〇〇〇〇	二〇〇〇〇	二〇〇〇〇
	四〇〇	一五〇				
		鳳城 新賓	開原	請原	本溪	新賓

附 記	第一旅	第二旅	第三旅	第四旅	第五旅	第六旅	第七旅	武術隊及 其他部隊	總 計
	二〇〇〇	一五〇〇	一五〇〇	一二〇〇	一〇〇〇	一四〇〇	二〇〇〇	三〇〇〇	一三六〇〇
	一五〇	一〇〇	一二〇	一〇〇	一五〇	一〇〇	八〇	一〇〇	九〇〇
	一六〇〇	一三〇〇	一三〇〇	一〇〇〇	八〇〇	一一〇〇	一七〇〇	一〇〇〇	八八〇〇
	一	一						二	四
	二〇〇〇〇	一五〇〇〇	一〇〇〇〇	一〇〇〇〇	一五〇〇〇	一〇〇〇〇	一五〇〇〇	一〇〇〇〇	一〇五〇〇〇
	三〇	二〇						二〇	七〇
	新賓	本溪	撫順	撫順	新賓	本溪	清原	開原	新賓

八、佔領新賓後之政治工作

(一)指導縣政

僞新賓縣長衣文深，煽惑公安隊全體譁變，率領公安局長張同大隊長王成福，於四月二十八日夜半携款潛逃後，新賓縣成爲無政府狀態。加以五月初旬子軍到縣，大事燒殺淫掠，民命不堪，至五月二十二日第六路軍接收防地，遂派何成九爲縣長，毛羽豐爲公安局長，各機關相繼恢復，秩序井然。新賓縣行政均秉承自衛軍意旨進行，並由第六路司令部派政治特派員長川駐在縣政府指導一切，李司令則立於監督地位。

(二)維持治安

各機關相繼恢復後，實行息謠剿匪及清鄉。新賓山勢起伏，素爲匪類出沒之區，自衛軍舉義後，因連續作戰，無力顧及地方治安，致令奸宄生心，乘機活躍，殺人越貨，架票勒贖，盜案之多，日恆十數起。李司令關心民瘼，將全縣劃爲數個勦匪區，對自願投誠，表示真心救國者，按其實力大小，予以相當名義，並將其部屬編

制爲自衛軍；其執迷不悟仍在各處騷擾者，則由各勦匪區域之駐軍，派隊四出游擊捕獲供認不諱者，即處以極刑，先後計斃匪百餘名，宵小斂跡，居民商旅，安謐如常。

(三) 復興教育

易幟後，新賓城鄉各學校職教員及學生紛紛參加自衛軍，各校無形瓦解，李司令爲安定人心併維持秩序起見，曾嚴禁教員學生入伍，一面迫令照舊上課，支持至六月下旬，日軍進入新賓，搗壞各校校舍，焚毀教科書，教育局長林鍾祥避難赴瀋，全縣教育行政，無人主持，絃誦之聲遂輟。直至本軍擊退日軍，始着手恢復教育局，整頓各學校，另委局長閻鼎銘，籌劃經費，通令各校開課，全縣教育，漸漸規復。

(四) 組織民衆

欲以武力收復失地，端賴國人全體動員，武裝將士，荷槍前驅，與敵決鬥，後方徒手民衆，即應各安生業，與自衛軍以物質及精神上之援助，新賓青年男女加入

宣傳隊者，先後二百餘人，八月間又由第六路軍官長暨地方各機關職員之眷屬，發起新賓婦女支部，在軍中擔任宣傳與慰勞，並舉地方衆望素孚之士，出爲司令部諮議，以備諮詢。

(五)聯合韓僑

東邊雜居韓僑甚多，久有獨立黨暗地活動，槍枝整齊，組織詭密，去歲九一八事變，領袖金寰等屢思聯合華人，共同舉事，未果，李司令舉義後，知韓人勇敢強悍，可資利用，收編韓僑三百餘人爲特務隊，委趙化善爲隊長，歷次戰役，特務隊異常出力，韓僑捐款，亦甚踴躍。

(六)保護外僑

第六路軍原以抵抗暴日爲目的，迭經通電海內外，並語誠部屬，對境內外僑之生命財產，絕對保護，外僑亦安處不惶。

九，八月來第六路軍在地方之施設


(一)開礦

甲，櫃石哈達銀礦，爲世界最罕有之銀礦，曾經遼寧農礦廳幾番調查，數次化驗，認爲成分極佳之礦區，故於事變前收歸國有，禁止私行開採，有案可稽，九一八事變就近人民又間有私自用舊法開採者，第六路司令部成立後，軍餉無着，又加地方金融，無法維持，爲急謀補救軍實物質計，遂成立櫃山銀礦局。設局所於木奇鎮，委派局長馮伯超辦理開採事宜，暫用老法開採，中經四月有餘，招募工人達三百餘名。出品最好時期，每日可掘荒銀三百餘斤，每斤可得純銀二兩，亦即每日得純銀二兩也。由開辦迄本年退却止，計共得銀六七千兩，如不因本軍慘敗而棄擲，則千金寨所有工人均克陸續前來，報效國礦，每月若工人在千名以上，最少可得銀六萬餘兩，對第六路軍實及地方金融，均有極大活力，裨益良多。

礦區內部設施：

櫃山銀礦局設局長一員，內分總務，採礦兩課，各設課長一員。總務課分二股，爲收支股及文牘股。採礦課分三股，爲工程股，冶鍊股，各股置股員數名，額外由司令部撥特務隊保護之，另列表說明。

橫山銀礦局組織系統表



乙，蘇伏洛之金礦 係屬河金，經富有經驗之人自願開採，呈報在案，並率工人四五十名前往開採，由銀礦局撥員監視，得沙金少許，並未見正線，惜時機轉變，致不得繼續工作。

丙，賣馬集之硫化鐵礦 最為富饒，因運轉困難，未便開掘，嗣經與美富商批定每噸價在四五十元以上，正酌商押款數目與運輸方法期間，即為敵人侵佔。

綜之各礦開發，實為東北民衆自動採礦之先聲，不難從物質方面延長抗日救國之工作，惜乎數月苦心，滲淡經營，而遽然廢於一敗之下，良可惜矣。

(二) 恢復電報局及擴充村鎮電話

電報電話均爲軍中通信最要工具，第六路軍佔領新賓，先將電報電話兩局同時接收，並派嫻熟電科人員入局實行監視，一面爲靈通消息，一面爲防止洩露軍情，及至五月間，于軍進入新賓，對電信機關，大事破壞，于軍退却，電報局長殷口口隨同出走，電報局於是停頓，祇餘電話局勉強支撐，然村鎮間電話機已十之七八，被日軍搗毀，不堪使用，六月下旬日軍僭僞國靖安游擊隊犯新賓，各處電話，全被損毀，本軍回防後，鑒於通信滯礙，遂購料脩補，力加整頓，委定電報局局長呂澤溥及電話局局長張在軒，恢復電報局及電話局，並於本軍駐紮地點，均設有軍用電話，消息異常靈通。

(三) 設立支應局及官店

綠支應局之起源，係李司令見於軍隊需用糧草每由民戶零星徵發，不但迹近騷擾，且有悞事之虞，因令縣長楊慶賢，召集地方農商會長及士紳，討論在新賓縣街設立支應總局一處，委商務會長李玉爲正局長，劉廣仁爲副局長，復擇各鄉重鎮，

如陵街，東昌台，旺清門，葦子峪，灣甸子，平定山等處均設有支應分局，專司供給軍用糧草及其他軍事上之需要。縣街以人烟稠密，軍人過往較多，間有食宿民宅者，遂開辦官店兩處，委魏耀亭擔任店務經理，軍人過往，必須入店食宿，以免擾民。

(四)整理財政及稅收

新賓財政，自去歲九一八後，已陷於絕境，應徵額捐，收入有限，警學薪餉，至感拮据，由第六路司令鄧督促財政局長于博文力加整頓。當經召集農商會議，先出接濟券四萬元，復令有力民戶，完納地糧畝捐。其無力者，亦限期清繳，卒使薪餉有着，圓法周轉，胥由此也。一言稅捐，事變後，即歸偽國接收，苛捐雜稅，多取病民，光復後，李司令派局長楊慶賢遲栢春等先後充任新賓稅捐徵收局長，蠲除毒賦，重定稅則，照市變前之舊稅率減等徵收，商民悅之。

十，第六路軍之光榮戰蹟

五月二十八日 偽國奉天警備司令于芷山親率三團之衆，分三路向新賓進兵，至上

夾禾，鳳凰嶺黑牛等處宿營。先派信使至縣城，允爲李司令春潤編圍，一同攻唐，和議未成，我軍在羊祭台嶺，新開嶺，老城各要隘，作堅固工事，準備對抗。

二十九日 于軍節節逼進，空氣益漸緊張，李司令春潤在新賓縣街職業中學校院內誓師。

五月二日 武術隊司令王彤軒率部與第六路衛隊營一部聯合三百餘人，在新開嶺與于軍接觸，斃敵百餘名，奪獲三八式步槍三十餘支，迫擊砲一門，重機關槍兩挺，子彈數千粒，西路衛隊營兩連，在羊祭台以少擊衆，于軍傷亡五十餘名，李部損失極微。

三日 于軍進至陵街，李司令春潤親赴前方督師，與敵激戰一晝夜，雙方互有死傷，第六路軍獲戰利品無算，敵傷亡百餘名，陵街一邑，已成坵墟。

五日 于軍向老城進攻，李司令春潤率衛隊一營，偕總司令部衛隊旅，據險固守，敵炮火猛烈，聲震山谷，自衛軍炮兵彈不虛發，于軍陣亡少校參謀劉芷蕃及團營附數員，傷亡士兵百餘名，結果自衛軍以彈盡援絕，爲保全實力計，退往桓仁境內，

是役燃糞煮豆，至足痛心。

八日 于軍進至新賓縣街，以得勝之兵，毫無紀律，燒殺淫掠，靡所不至，新邑商民，不堪其擾，遂屢次暗中派人告發于軍之陣地，及主官所在地。

十八日 拂曉第六路軍由南西北三面向新賓縣街反攻，唐總司令衛隊由總部參謀長指揮，擔任東路，于軍既佔地利，機槍迫砲，密佈山顛，雙方激戰四晝夜，敵傷亡二百餘名，自衛軍亦損失不貲，計獲敵山炮迫擊砲各一門，步槍百餘支，子彈萬數粒。

二十二日 于軍因彈藥耗盡，向清原方面潰退，第六路軍奪還新賓。

六月五日 騎兵獨立第四團團長李大光率部三百餘人，破壞南口前車站附近鐵路數里，並焚毀站房及橋梁。

十二日 第十七團團長何俊彥部，在清原縣黑牛與日軍六百名接觸，敵不能支，撤回南口前。

十七日 武術隊司令王彤軒及第一旅旅長劉克儉率部進攻清原，敵早已構築堅固工

專，及保屬砲台。自衛軍連攻三晝夜，衝鋒十一次，傷亡官兵三百餘名，終未攻下。

二十二日 日軍僭偽國靖安游擊隊共千餘名，載炮二十餘門，及輕重機關槍多挺，彈藥車六十餘輛，由南雜木站下車，向新賓推進，第六路木奇駐軍，迎頭抵抗，強弱懸殊，不支而退。

二十三日 日軍進佔陵街，李司令春潤率衛隊營赴老城作工事備戰。

二十四日 早八時敵軍進至老城河北，雙方開始血戰，卒以砲火過猛，將敵誘至撥補溝，伏兵四起夾擊，計斃敵中佐指揮官一員，尉官數員，及日僞兩軍士兵百餘名，得獲彈藥車十二輛，步槍數十支，李部官兵傷亡二十餘人，頑敵用飛機掩護作戰，蜂擁東上，李司令於午後三時在縣街作最後抵抗，嗣因彈藥缺乏，不忍殃及市民，退守旺青門，日軍進街，對民衆大肆屠殺，是日日飛機七架在木奇、陵街，及縣街分投炸彈，及燃燒彈多枚，焚屋傷人，備極殘忍。

二十七日 李司令春潤集結部隊，回新反攻，日軍四面受敵，向清原逃竄，李司令

率部進擊至一面山北旺清一帶，將敵包圍，傷亡甚衆，敵藉炮火掩護，向北狂奔，由新賓至清原一百二十里，自衛軍到處堵截，四晝夜，始得逃出至清原上火車回省。

八月十九日 第一支隊長康樂三部進攻營盤，第二支隊長李先翹及第一旅長劉克儉等部進攻清原。

二十日 營盤清原均於拂曉與敵發生激戰，第一支隊擊破營盤之敵，斃日兵數十名，俘獲大槍四十餘支，所有潘海路橋梁及站房，盡被焚毀，並切斷電線極長，得電話機多部。黎明，來敵機十一架，協同步砲兵交相轟擊，康部拼命奮鬥，毫不畏懼，卒將該站佔領，民氣大振，軍威益壯。第二支隊旅長劉克儉親率全旅，攻入清原，斃敵甚衆，並虜僞公安隊高發中隊長一部八十三名，繳槍八十餘支，子彈二萬餘粒。又收降金雨山部二分隊六十餘名，繳槍六十餘支，子彈二萬餘粒，並斃日官兵數十名，劉旅傷亡二百餘名。

二十一日 第六路軍一部，進襲南口前車站，覆貨車一列，日司機慘斃二名。

二十三日 騎兵獨立第一團團長華振江率部破壞倉石附近鐵路十餘里，衛隊營燒毀元帥林車站，折斷鐵路二十餘里。

二十五日 第一支隊康支隊長破壞章黨車站，及附近鐵路橋梁，斃敵數十名。

二十八日 第六路軍千餘名，聯合瀋郊各路義軍圍攻瀋陽。又派第一旅第十六團二營營長王雲陸率步兵兩連，攻南口前之鐵甲車，王營長乘夜親自由鐵甲車砲眼向內投擲炸彈，炸死日兵十餘名，同時王營長炸傷左臂士兵着砲傷十七名。

三十一日 第六路軍二百餘名，襲擊撫順城，與當地公安隊警備兵發生激戰，相持四小時，敵貴田上等兵，與永井共和會指導員，警務局指導官烏飼代助等，均被俘虜，是日夜間千金寨公安隊完全反正，編為李部第四旅，任命李振山為旅長。

九月一日 李司令春潤奉唐總司令命令，向安鳳地區發展，乃令第四路司令李春光，偕武術隊司令王彤軒，本路參謀長康樂三等，率部三千餘名，取道本溪，寬甸，向安鳳地區轉進。

十日 第四路李春光等部，越安奉鐵路抵鳳城。

遼寧民衆自衛軍第六路抗日實錄

十七日 進佔龍王廟，黃土坎，等地，繳偽警大槍三十餘支，同日並將北井子佔領，所有偽警均歸收編。

十九日 第三團團長曹春庭率隊五百餘名，進攻大東溝，擊斃，偽警二十餘名，日兵數名，我方受傷官兵，計十餘名。

二十一日 參謀長康樂三，協同第四路司令李春光，武術隊司令王桐軒，與鄧鐵梅司令會議於鳳城之德奎，協商合力工作大孤山。

二十三日 康參謀長與第四路李司令及王彤軒等，到岫巖縣促劉縣長景文反正，懸掛青天白日旗，實行加入自衛軍工作，主權領土，收歸國有。

十月十日 李司令春潤親率所部千餘名，在本溪擊潰偽軍安鳳地區警備司令部補充第一團團長孟凌雲全部，並斃營長張振東一名，將該營繳械，獲槍二百餘支。

以上為第六路軍最隆盛時期，十月十日前第六路兵力配備如附圖。

十一日 新賓縣西古樓，清原之風倒樹溝，柳河之邊沿，均發現日軍。

十三日 衛隊步兵第一團百餘名，在老城抗，激戰數小時。

十四日 李司令春潤率部在新賓縣街與敵大部隊激戰二小時之久，斃敵三十七名卒以雙方實力懸殊，彈藥罄盡，李部向桓仁邊境背進。

十五日 衛隊營在平定山與日軍奮戰甚激，老道溝嶺及二戶來，亦有激戰。

十六日 衛隊第二團團長吳永山率部七十餘人，潛伏都督伙洛山崗，擊斃日軍六十餘名。

十九日 第六路軍在桓仁縣境花尖子，與日軍相遇，激戰一晝夜，雙方傷亡達二百餘名，至下午四時，敵飛機十二架助戰，自衛軍傷亡漸增，不得已，乃退至濫泥窪子。

二十一日 第一旅旅長劉克儉部，在板成峪與日軍激戰數小時，第十路司令李先翹亦率所屬步騎聯合部隊約五百人到濫泥窪子，總司令部與第一游擊大隊中校隊副吳殿臣率部百餘人，共計收容部隊已達三千餘人，乃決心反攻新賓。

二十二日 李司令春潤率部向新賓前進，並殲滅駐在木魚子日本步兵軍士十二名，得獲大槍十二支，子彈五千粒，

二十三日 敵由新賓縣街及平定山西路出兵，向第六路軍夾攻，下午三時於新賓縣南大青溝着遇，激戰至夜，李司令以保全實力計，乃乘夜中撤退，向石人溝轉進，二十四日 晨日軍步騎砲聯合支隊四五百名，由平定山向第六路軍追擊，李司令春潤當即命令第十路司令李先魁極力抵抗，至午乃擊退，計斃敵七名，傷十數名，我軍傷三十三名，亡五名，是日晚五時，敵之一部，又由木奇方面向第六路軍襲擊，乃令騎兵第二團團長口口口在陸家堡子嚴行抵抗，敵亦未得逞，互有傷亡。

二十六日 第六路軍在南嘉禾集合，日軍七百餘名，由木奇營盤方面雙方來襲，激戰甚久，斃敵十餘名，李部傷亡四五十名，至下午敵飛機十一架，亦來助戰，此時李部彈盡援絕，不得已，向鄭家堡子轉進。

二十七日 第六路軍在照雅溝與日軍百餘名發生繳戰，雙方互有死傷。

十一月一日 李司令春潤在板成峪將各部隊分潛各地，自率精銳一千餘人，向北平方向轉進。

三日 由香山子越安奉鐵路至遼陽第二區棉花套子地方少憩，偵得此處迤西地帶多

親日部隊，不易通過，乃變換計劃，向鳳城方向前進。

八日 第六路軍抵鳳城八區尖山窰，與第四路司令李春光部相會合，此時正當五十六路及十三路在大孤山圍攻李壽山中，乃決心會同第四路及日前留在鳳城第六路之部隊，加入前方部隊，共同攻擊李壽山，遂於下午開始向大孤山方向開進。

九日 李司令春潤至岫岩洪旗溝與各將領會議，時據鳳城密探報告，日軍已由安東大東溝，鳳城縣街及乾柴嶺向我出擊。乃決心令第四路及第六路各部隊擔任鳳城防務，五十六路擔任岫岩防務，十三路擔任單獨圍困大孤山之任務。

十日 大東溝及乾柴嶺所來之敵，均被李軍相繼擊退，雙方互有傷亡。鳳城縣街所來之敵，至卡巴嶺被五十六路之一部擊退。

十二月十二日 騎兵衛隊團長姜紹泉團附楊福庭等率部六百餘人，與日軍百餘人及偽國軍一營，公安隊百餘人，在清原罕羊溝口相遭遇，發生激烈戰爭，約四小時，該團以彈絕退至暖泉子，計斃敵少尉水少原四郎一員，日偽兩軍士兵二十餘名自衛軍陣亡中尉連附白福清一員，被擄上尉連附趙玉一員，及隨從一名，受輕重傷共七

名。

十五日 第四路司令李春光，與友軍鄧司令鐵梅，在鳳城尖山窰與僞國靖安游擊隊第一軍全部，奉天省垣保安隊第一二兩大隊，步騎砲聯合之敵，共約四千餘名，並日軍五百餘名接觸。是日，敵軍飛機於岫岩城周圍附近投炸彈四十餘枚，以致將該縣城退出，被敵佔領。並遼陽海城方面敵又增援，步騎砲聯合之敵五百餘名，李司令春光率部星夜到達蘇子溝關門山之線停止以備增援。

十八日 拂曉第四路李司令春光及自衛軍第六路一部，到達磨盤溝，以一部攻擊黃花甸子之敵，以一部協助顧司令冠軍王司令全一等部攻擊關門山之敵。是日下午三時將關門山之敵千餘名盡數包圍繳械，斃日軍七十餘名，生擒日軍少將指揮官成擇直亮一員，及士兵三十餘名，俘獲僞國軍六百餘名，獲步槍七百餘支，機關槍八挺，迫擊砲二門，山砲二門，大接濟車十四輛，無線電機一架，是日下午敵以空軍掩護退至磨盤溝，我軍部隊即開始射擊，該機即投擲炸彈二十餘枚，炸斃我衛隊營一等兵曹玉崑一名、負傷者數名。

十九日 拂曉第四路李司令春光率所部借第六路軍部隊之一部，及張司令海川之一部，猛攻黃花甸子，該敵頑強抵抗，張司令奮不顧身，中彈殞命。是日上午八時，敵增援，先遣步隊，業已到達黃花甸子，與我軍對峙，日軍終未得逞，是時因南滿線空虛，李司令春光與劉司令景文鄧司令鐵梅在各該原地牽掣該敵，第六路軍一部向南滿沿線海城遼陽營口一帶鐵路地區進展，二十八日行抵千山一帶，是日夜晚在南滿綫，遼陽鞍山之間，爆破敵之客貨車兩列，完全焚毀，現仍在該線工作中。

附錄

李司令春潤事略

英雄之建樹，雖云時勢所造；而家世風範，與天性稟賦，實有不同於尋常也。李司令春潤，生而岐嶷，童年游戲，即好結合羣衆，作刀槍戰鬥之舉。及入學校，每逢救國運動，輒被推爲全校代表，朝氣光融，爲同學所器重，非偶然也。溯乃裕吉辰公諱玉祥性情豪爽，處世寬和。曾遷居柳河縣，適清光緒末年，正匪酋劉單子盤踞該處之時，翁被地方推舉，操辦團練會，親率鄉勇，指揮堵剿，遠近賴有保障。既而南旋鳳城雙廟子故里，又奉令辦理鄉鎮巡警，事雖草創，井井有條。民國初元，被選爲自治會董事，凡關地方公益，竭力贊助，官紳極倚重之。且仗義疏財，終年食客盈門。遇人有急難，傾囊相助，毫無吝色。雖在古稀之年，而好賓客，喜交遊，豪興依然，排難解紛，幾於無日無之。於敬宗卹族之義，尤老而彌篤，言論丰裁，令人可畏可愛，輿情歡洽，無間言矣。平居教子，常以急公好義，謹慎從茲。

，爲立身報國之希望。此公之夙承庭訓，習見家風，又中經師範教育，講武堂陸軍大學之造就，自有以激發其志氣。陸大卒業後，歷充東北陸軍各級軍官，講武堂隊附，東北邊防軍司令長官公署參謀等職。屢參加涿州，及平型關諸戰役。九一八之變，公在東邊鎮守使署，憤慨萬分，嘗以收容第七旅暨講武堂師生，訓練民團，以圖自衛意見上於鎮守使，緣上峯多所顧慮，態度未明，僅結合同志，暗自宣誓而已。嗣以參謀處長，出任營長，始得遂其初志。到新賓防次之日，即加緊訓練，示部屬以大義，聯絡一般同志，信使往還，遙通聲氣。雖經于芷山委以團長之職，毫不爲動，未幾，唐聚五舉義於桓仁，自任遼寧民衆自衛軍總司令，委公爲第六路司令，於二十一年四月二十九日，克復新賓，民衆影從。嗣後迭與暴寇作殊死戰，身先士卒，聲威大震，乃以奮勇卓著，被任爲駐新賓副司令，兼第一方面軍總指揮。不數月，直轄五個路，部下達二萬，清原撫順本溪岫岩等縣，相繼光復。其弟春光（子榮）亦組成義勇軍第三十五路。在鳳城故鄉，先後舉義，作戰方略，尤多運籌，一年來，公與諸同志，抗禦強暴，勦撫萑苻，安輯地方，救國愛民，使青天白日旗

，猶光耀於倭奴鐵蹄之下，民族精神，海內外當有定評。繼續努力，堅苦奮鬥，知公之壯年有爲，實家庭薰陶與學校教育有以肇其基也。

李司令春潤黃海脫險記

余自十月間在新賓桓仁等處與日寇轉戰二十餘日後，將所屬部隊分遣各地，選帶精銳千餘人，擬向北平方向轉進，行抵遼陽東境，探悉前途險阻，不易通過，乃拆赴鳳城。於十一月八日與胞弟春光（義勇軍第二十五路司令李子榮）相會於尖山窰。戰後餘生，悲喜交集。征車甫停，又參加大孤山之戰，圍攻李壽山，是役方告結束，乃令春光弟留守鳳城，兼護理第六路司令，余則籌備奉母赴平，籲請接濟，並密定行期。春光對余曰：「兄去務早過歸，以圖舉事。幸勿流連舊京，使勇氣軟化，置前方袍澤於不顧，此間事有弟負責，任教情況如何窘迫，寧粉身碎骨，決不颯顏屈服，貽國人笑。」余謂勿庸過慮，弟其好自爲之。此行速則兼旬，遲則一月，必當言旋。」余言未竟而淚下，相顧悽愴，後二日行期已屆，余偕內子雅琴率長子樹人（次子二成因於新賓南夾禾戰役失散，由劉處長雪三送往北平）長女樹珍次女鎮兒

及隨從副官趙亞東等六員，扶持家慈，束裝就道，同行有第三十五路司令部王參議官少伯，闕秘書凌歐，於十四日下午一時由德奎乘馬車向北井子（此處係人跡罕到之海口）出發。數月來赴平請願之熱望，如願以償，喜何如之；而瞻念烈風怒濤，與敵艦之往復海面，巡查周至，危機四伏，又能不悚懼耶。由北井子上船離岸後，蟻伏舟中，但覺逐波上下，此身如在鞦韆架上。路經鹿島，獐島於第三日遇風，至大長山島迤東之處投錨，翌晨北風小作遂駛行，未數百里，南風驟至，將船吹回原停泊處者兩次，直至後三日下午始得前進，已而又爲烈風折回，停船一星期，竟被長山島日警署偵知。先是吾等由北井子首途，曾有長山島載糧風船同時出帆，蓋係船上漢奸早將消息敗露矣。該島日署先派華商會勇四名持槍實彈，威言恐嚇，迫令吾等下船，聽候檢驗。余知有變，急促水手開船，會勇等在他一船上鳴槍示威，余恐殃及全船，祇得停船，一面將所帶手槍及其他軍用品沉入海底。一面由王參議官少伯及副官趙亞東，李祿增，連慶發等四人登陸，王少伯伴稱余之族弟，餘者或稱余之子侄，或稱中途相遇，報余爲臨江縣教員，避難返山東原籍，商會仍強迫全體

下船，及余上陸堅執教員回籍之詞以對。少頃，來日便衣警二名，偕華人巡捕一名，均暗帶武器，對余盤查甚嚴，問「爾非由北井子上船圖謀脫逃之李司令耶。」余答稱「余固李姓但係臨江縣教員，適承見問之李司令，想係安鳳地區司令李壽山，渠之體格比余既高且瘦，現在大孤山駐防，並無逃亡之說，如不相信，尙請前往調查，有不實處，余寧受處分。」幸巡捕已會余意，從而竭力彌縫，得免於難。當余受盤詰時，家人及隨員惟恐言語支離被人看出破綻，均相顧愕然，默爲禱告。迄今思之，設非余抱定泰山崩於前而色不變之想，處以極沉靜之態度，余之生命，雖未死於砲火之下亦必斷送於長山島矣。是日下午因受日方威脅，勒令即刻離島，當此之時，該島停船二百餘艘，均以小雪後必有暴風，不敢開船，吾等明知南風狂暴，但受逼迫，不容再事逗遛，實則余亦恨不能即刻飛出該島也。因於晚三時起錨，向山東石島駛行，翌晨北風肆虐，波濤險惡，浪花如飛絮點點落船上，一葉扁舟，大有傾覆之虞，余與家人，多頭暈作嘔，傍晚六時船因不能勝風，刮至威海衛近處，一晝夜行八百餘里，當時北風之狂，可想而知，於時天色已昏，正當冬月下旬，

太陰暗然無光，海面滿罩黑幕。雖自幼駛船之老水手，亦莫辨方向，斯時靠岸發現殘毀砲台，觸碰船頭，余自料恐難倖免，全船二十餘人將葬身於魚腹之中。家人，水手，咸惶恐無措，祇有窮極呼天，長跪祈禱而已。言時海中忽有火光出現，引舟前進，及過砲台光亦杳不復見，據水手言，係紅娘娘神之默佑也。即晚船在海邊下錨，翌晨黎明，船始靠岸，因潮水高漲，未即下船，延至下午四時，乘小舢板登陸，於威海衛迤東之小村落投宿逆旅。明日早十一時乘馬車赴威埠，沿途舟車疲憊，飽受虛驚，在威小作勾留，乘英輪阜生號於十二月四日抵塘沽，翌晨五時搭北寧車到達北平。於今到平多日，回首前塵感慨係之，用述黃海脫險之事如此，以誌不忘。

。二十一年十二月十八日於北平。

李司令春潤之函電

告國內外同胞書

全國海內外同胞均鑒：自東北淪陷，已十閱月，倭奴肆意，焚殺淫掠之種種慘狀，諸同胞或得之於傳聞，或得之於目覩，想早洞悉無遺矣。茲將我自衛軍現在之

困難，與急切之期望，願當大家陳之。本軍宗旨，專在外抗強權，以救國家之危亡；內清盜匪，以安人民之生業。當去歲事變之初，即蓄此念，無如毫無準備，以致徒有救國之心，嘆無殺敵之力。因特秘密聯絡，積極組織；不意方具雛形，強敵驟至，倉迫應戰，困難萬分，幸賴將士用命，連破勁敵，雖無大捷，亦令倭奴喪胆，此則差堪告慰全國同胞者也。惟當戰役之後，新邑市井蕭條，百業停頓，關於軍餉，羅掘已窮。益以新邑南接本溪，北連清原，西隣撫順，三面受敵，槍械彈藥，四無來源。雖本軍官兵救國心切，不計薪餉；然彈藥服裝，給養等項，均爲治軍作戰必要之品。既苦無款購買，無處接濟，其將何以自衛，更何以應敵。况一轉瞬間，金風立至，嚴寒隨來，草木枯落，無可隱藏，本軍不死於飢寒所迫，終亦被敵解決。但被敵解決之後，如國內軍隊仍能單獨收回東北，則我自衛軍雖全體覆滅，亦無所憾；倘無自衛軍之應援，東北終不免於亡，則全國同胞即應急起援助。誠以東北者本爲中國之東北，若東北一失，內地終亦難保，本軍刻已抱定決心，與東北共存亡。夙仰諸同胞痛恨倭奴，不滅吾輩，復地雪恥，具有同情。須知本軍壽命之久暫

，全視彈藥等項之有無接濟以爲斷；而關內出兵之遲早，尤有密切關係。爲我自衛軍計，爲東北之土地與民衆計，務懇全國同胞速起響應，或予以精神上之援助，或予以物質上之援助，以免本軍有無米爲炊之嘆，同時更懇積極催促中央，尅日出兵，以期乘本軍一息尙存之日，獲內外夾攻之利；否則唇亡齒寒，噬臍何及，千鈞一髮，時不可失，臨書涕泣，不勝迫切佇盼之至。遼寧民衆自衛軍駐新賓副司令兼第六路司令李春潤，二十一年七月十日。

電全國各將領

上略倭奴肆虐，強佔東北，謬假民意，締造僞國，鐵蹄所履，黎庶無存，誅戮之慘，不忍言喻。春潤躬身戎行，能彰名微，惟痛亡國覆宗之禍，竊效渡江擊楫之舉，爰導民衆，抗日自衛，一隅淨土，三面環敵，械缺彈寡，迭經劇戰，屍積蔓草，血染荒沙。卒賴士氣激勵，衆志成城，遏彼兇焰，莫能放縱，新賓之門戶未失，諸路之根據以固。現嚴守陣地，以待軍興。無如烽火阻隔，消息失靈，西望榆關，征檄無聞。蓋國人心理，期重和平，以中日交涉，宜聽國聯之折衝，免兵戈之浩劫

。無如人情袒勢，公理難伸，我忍痛以待，彼積極以謀，礦土鐵路，喪失無遺，近且佔領海關，奪取郵政，取其門戶開放，機會均等之言而并食之，恣睢傲慢，尙何國際公理之有。夫東北疆土，中華民國之疆土也，復地雪恥，中華國民之責任也，丈夫立業，豈受人憐。自事變以來，黨國元勳，革命烈士，皆以外侮爲念，早息鬩牆之爭。今此青山叢莽，障設天然，地利人和，時不可再，夙諗諸公久擁節旄，頻年內戰，罔不效命。值此滄海橫流，神州陸沉，誓師赴難，豈容反顧。諸公內審職責，外察大勢，一致聲討，撻彼兇頑。春潤不才，許身黨國，負弩前驅，指揮全部自衛軍，策應西上，會師遼瀋，掃蕩妖氛，以期天佑中國，收復河山，即裹屍馬革，如願以償。若其不然，我自衛軍偏踞一隅，餉械無援，展轉秋冬，凍餒可虞，三千萬衆愛國健兒，不粉身於硝烟彈雨，而葬屍於血窖冰天，抵抗力減，戰期延宕，倘大好河山，永淪異域，吾輩軍人，何以爲顏。嗟呼，風淒雨晦，險象日逼，暴日決心於八月一日以武力接收郵局，此電去後，消息隔絕，惟盼燕雲金鼓，早震遼東，執戈同仇，廓清有待，揮淚陳詞，不勝屏營待命之至。遼寧民衆自衛軍駐新賓副

司令兼第六路司令李春潤刪印，（二十一年七月十五日。）

上某要人書

上略敬肅者：本路自上月反攻，取得新賓之後，即積極於整軍經武，以圖大舉。個月以來，實力漸見充裕，軍心差堪作戰，決意先將清原南雜木及營盤等處之敵，掃清障礙，免憂後顧，以便再取撫順千金寨以及本溪，相機佔領瀋陽，明日午後二時，由新賓出兵，分向清南營三處進攻，誠不敢因循悞時機也。惟以邇來金風入律，東邊早涼，各部隊之單衣，尙未全然換棉，急待籌備，以致風餐露宿，士卒單寒，三軍乏挾纊之歡，一鼓滅作氣之勇，馴至霜辰，尤堪長慮，此被服無着之難關也。以言戎機，首資彈藥，潤自倡義，數月於茲，個人之力已盡，地方之財已窮，無分文的欸之收，無絲毫補助之至，空拳獨運，徒喚奈何，而彈藥之購買，尤非現欸不辦，點金乏術，無米難炊，此彈藥缺乏之難關也。伏懇鈞座設法功，遠地長嘶，爲民請命，臨風迫切，不知所云，佇候大命，敬敬崇自衛軍駐新賓副司令兼第六路司令李春潤謹肅，八月十九日。



中華民國二十一年十二月二十日出版

遼寧民衆自衛軍第六路抗日實錄(第一集)

編輯者 關 博 彥

校對者 孫 公 甫

6

777740